



UNTUK SIARAN SEGERA

KENYATAAN MEDIA

DOF KOMITED MENGURUS SUMBER PERIKANAN NEGARA

1. Jabatan Perikanan Malaysia (DOF) sedang mengadakan **Persidangan Tahunan Pegawai-Pegawai Kanan Jabatan Perikanan Malaysia bagi tahun 2019** dengan tema '**Perikanan Lestari Merentasi Zaman**'. Tema ini dipilih bersempena dengan Ulang Tahun ke-125 Jabatan Perikanan Malaysia yang telah diasaskan seawal tahun 1894.
2. Persidangan pada tahun 2019 ini memberi penekanan kepada **sembilan (9) perkara** penting yang menjadi tumpuan utama di dalam melaksana fungsi DOF dalam mengurus sektor perikanan negara secara mampan selaras dengan komitmen menjayakan Rancangan Malaysia Ke-12 dan Wawasan Kemakmuran Bersama Tahun 2030 (WKB 2030).
3. Sembilan perkara tersebut adalah; **Sektor Perikanan Tangkapan, Pengurusan Sumber dan Taman Laut, Akuakultur, Penyelidikan Perikanan, Penguatkuasaan Perikanan, Pembangunan Industri Tuna, Kerjasama Antarabangsa & Biosekuriti Keselamatan Makanan, Modal Insan dan Pemodenan Vesel Penangkapan Ikan.**
4. Dalam menguruskan sumber perikanan semakin kompleks dan mencabar, DOF komited melaksanakan **pengurusan perikanan mampan** secara drastik, termasuk mengawal operasi pukat tunda dan pada masa yang sama penguatkuasaan dilakukan secara menyeluruh dan holistik.
5. Yang mana usaha membanteras pencerobohan vesel asing telah dijalankan secara bersepadu melibatkan APMM, Jabatan Perikanan dan Polis Marin dalam OP Naga semenjak April 2019. Selaras usaha itu Akta Perikanan 1985 (Pindaan 2019) yang menaikkan hukuman denda sehingga RM6 juta dan RM600 ribu kepada nakhoda dan setiap kru asing masing-masing telah berkuat kuasa mulai 30 September yang lepas.

6. **Taman Laut** sebagai kawasan (habitat) perlindungan sumber perikanan dan kepelbagaian biodiversiti ini adalah hasil cetusan idea YAB Tun Dr. Mahathir bin Mohammad. Kewujudannya dapat mengimbangi antara perlindungan serta pemuliharaan dengan eksploitasi sumber perikanan. Pelaksanaan pelan pengurusan seperti **Fisheries Management Plan (FMP) dan National Plan of Action (NPOA)** sebagai langkah pemuliharaan segera untuk mengatasi kemerosotan sumber.
7. Pengeluaran ikan melalui **akuakultur terutamanya ternakan ikan dalam sangkar** berpotensi untuk dipertingkatkan bagi memastikan bekalan ikan sentiasa mencukupi dan juga mampu meningkatkan pendapatan penternak.
8. Pada tahun 2018, pengeluaran sektor perikanan di Malaysia adalah sebanyak 1.85 juta tan metrik dengan nilai RM14.5 bilion; peningkatan sebanyak 3.9% dari segi nilai berbanding tahun 2017. Sumbangan Keluaran Dalam Negara Kasar (KDNK) bagi subsektor perikanan kepada negara kekal pada 0.9%.
9. Ketua Pengarah Perikanan menggesa agar pegawai-pegawai di Jabatan perlu sentiasa **berfikir di luar kebiasaan (think big atau think out of the box)** bagi **mendepani dan mengatasi isu serta cabaran** dalam sektor perikanan.

###

Kenyataan media ini disiarkan oleh :

UNIT KOMUNIKASI KORPORAT

Ibu Pejabat, Jabatan Perikanan Malaysia
Wisma Tani, Putrajaya

11 November 2019 (Isnin) jam 10.00 pagi.

Sebarang pertanyaan sila hubungi :-

No. Tel : 012-356 9344 (Yazeereen)
012-664 9570 (Aqilah)

Email : ukk@dof.gov.my ; pro@dof.gov.my